



BULETIN BANDARAYA KU

EDISI KEDUA
2020



INKLUSI覩 BERSAMA KOMUNITI

***Membentuk Komuniti
Maju dan Berdaya Saing***



Sila lihat telefon bimbit anda dalam keadaan melintang untuk pembacaan yang lebih jelas.



« Aplikasi
RadioKU

m/s 21

SIDANG PENGARANG

E-BULETIN DBKU

Penasihat

Yang Berbahagia Datu Haji Junaidi Haji Reduan

Ketua Editor

Yang Berusaha Dr Morshidi Ahmad

Pengarah DBKU

Penolong Ketua Editor

Encik Rudzaimier Malek

Penulis

Sharul Sulaiman

Bahtiar Affendi

Nur Shaqima Hamden

Imelda Kartika Karim

Rekaan Grafik & Fotografi

Wan Khairul Zakirin Bin Wan Suria

Khairuddin Mohd Karim

Awang Nikhmanul Hakim Bin Awang Kadri

Fadillah Sulaiman



Bagi sebarang makluman dan pertanyaan,
sila hubungi:

Sidang Redaksi e-Buletin DBKU
Unit Pengurusan Acara & Komunikasi Korporat,
Bahagian Perhubungan Awam,
Dewan Bandaraya Kuching Utara
Ibu Pejabat DBKU, Bukit Siol,
Jalan Samariang, Petra Jaya
Kuching, Sarawak.
No.Tel: 082-512200 Faks: 082-446414



@BandarayaKU



AMANAT DATUK BANDAR KUCHING UTARA

بِسْمِ اللّٰهِ الرَّحْمٰنِ الرَّحِيْمِ

Assalammualaikum WBT dan Salam Sejahtera...

Bersyukur kita ke hadrat Illahi kerana dengan limpah kurnia dan inayahNya, kita telah pun mclangkah ke tahun baru 2021. Terlalu banyak kenangan pahit manis yang telah dilalui sepanjang tahun 2020.

Penerbitan Buletin DBKU Siri 2/2020 ini sebenarnya bertujuan untuk mengimbas kembali setiap aktiviti ataupun program yang telah dijalankan dengan jayanya sepanjang tahun 2020. Mengimbas sedikit pengalaman sepanjang tahun 2020, tentu ramai antara kita yang masih terkesan akibat penularan pandemik Covid-19. Namun, apa yang ingin saya tekanan di sini bahawa sehingga ke detik ini, barisan hadapan DBKU sentiasa dalam keadaan bersedia pada bila-bila masa sekiranya penularan Covid-19 semakin membimbangkan. Di kesempatan ini, saya ingin merakamkan setinggi-tinggi penghargaan kepada seluruh wargakota Kuching atas sokongan dan kerjasama yang diberikan terhadap barisan hadapan DBKU dalam mengatasi penularan wabak ini.

Terima kasih juga saya ucapkan kepada seluruh warga kerja DBKU kerana tanpa komitmen yang jitu, DBKU tidak akan mampu membangun dengan pantas dengan kejayaan demi kejayaan yang diperoleh sepanjang tahun 2020.

Akhir kata, semoga Bandaraya Kuching Utara akan terus maju dan membangun pada masa akan datang dan saya berharap agar setiap ahli masyarakat sentiasa mementingkan kebersihan, kecantikan dan keselamatan bandaraya yang kita cintai.

Selamat Tahun Baru 2021!

YANG BERBAHAGIA DATU HAJI JUNAIDI BIN HAJI REDUAN
Datuk Bandar Kuching Utara

Kandungan

FOKUS

- 1 PROGRAM INKLUSIVITI DBKU BERSAMA KOMUNITI 2020

LENSA

- 2 MAJLIS PELANCARAN Q-MUNITI STORE BIZ

- 3 PROGRAM 3R BUYBACK & PENJUALAN KOMPOS



3



6



9



- 4 BANDARAYAKU BERSELAWAT ONLINE SEMPENA SAMBUTAN HARI BANDARAYA KE-32

- 5 KUCHING CITY DAY VIRTUAL RIDE & VIRTUAL RUN

- 6 LET'S GO HEALTHY

- 7 WORLD CLEAN UP DAY 2020

- 8 PERTANDINGAN BERBERITA PIALA PUSINGAN DATUK BANDAR & PERTANDINGAN VIDEO PENDEK PERPUSTAKAAN BANDARAYA

- 9 KURSUS e-USAHAWAN KOMUNITI

- 10 KUCHING GOT TALENT



13

- 11 BENGKEL PENSTRUKTURAN SEMULA PROSES PERLETAKAN HAK KUASA TANAH KEPADA PIHAK BERKUASA TEMPATAN

- 12 MAJLIS MAKAN MALAM KEJIRANAN MESRA (KJM) DBKU

- 13 PROGRAM PENGHIJAUAN MALAYSIA KEMEN PENANAMAN 100 JUTA POKOK

PENCAPAIAN & ANUGERAH

- 14 ANUGERAH PERKHIDMATAN CEMERLANG DBKU

- 15 STAR RATING DBKU

WHAT'S UP

- 16 MUZIUM KUCING

- 21 APLIKASI RADIOKU

- 22 TAMAN ORKID DBKU

PROGRAM INKLUSITIVITI DBKU BERSAMA KOMUNITI 2020

FOKUS

Hidup dalam komuniti ini ibarat satu keluarga, lebih-lebih lagi apabila semangat kerjasama di kalangan komuniti semakin erat hari demi hari. Dari sinilah akan wujudnya rasa kepunyaan (sense of ownership) di kalangan warga komuniti. Bila kita bercakap mengenai rasa kepunyaan, kita sebagai komuniti harus mempunyai sikap tanggungjawab kepada komuniti kita sendiri. DBKU sebagai PBT yang bertanggungjawab pastinya akan memberikan sokongan sepenuhnya terhadap apa jua aktiviti kemasyarakatan yang pastinya akan memberikan banyak manfaat dan kebaikan kepada kita semua.

Program Inklusiviti DBKU bersama komuniti di sini bermaksud penglibatan komuniti dengan pihak berkuasa tempatan (PBT) iaitu DBKU dalam usaha sama membentuk sebuah komuniti yang maju dari setiap aspek kehidupan.

Pada tahun 2020, terdapat dua siri Program Inklusiviti DBKU bersama komuniti telah dijalankan di dua tempat berbeza iaitu di Kampung Senari dan Kampung Gita Tengah.

Dalam program setengah hari tersebut, beberapa aktiviti telah dijalankan bersama komuniti antara nya ialah Ciotong-Royong Kebersihan dan Keindahan, mengecat bangunan, senamrobiik, penanaman pokok, cabutan bertuah dan sebagainya.

Program Inklusiviti DBKU bersama komuniti julung kali diadakan di Kampung Senari telah dihadiri oleh Yang Berhormat Dr. Haji Hazland Bin Haji Hipni, ADUN N5 Demak manakala di Gita Tengah pula telah dihadiri oleh Yang Berhormat Encik Fazzrudin Bin Haji Abdul Rahman, ADUN N6 Tupong.

Yang Berhormat Dr. Haji Hazland Bin Haji Hipni, ADUN N5 Demak menyerahkan *Kenyalang Gold Card* kepada penduduk.

Objektif Program

- 01** Memupuk rasa kekitaan dan kepunyaan di kalangan penduduk agar lebih bertanggungjawab untuk menjaga kebersihan persekitaran dan kecantikan serta keselamatan kampung.
- 02** Mentransformasi kampung agar lebih cantik, bersih dan selamat dengan penglibatan semua penduduk.



MAJLIS PELANCARAN Q-MUNITI STORE BIZ

Q-Muniti Store Biz merupakan satu usaha untuk mengumpul semua jenis produk dan perkhidmatan dari kalangan usahawan di kawasan N.7 Samariang untuk dipapar dalam satu portal atau aplikasi.

Langkah kawalan sejak 18 Mac lalu telah mengubah naratif gaya hidup beli-belah di kalangan masyarakat, dan tanpa perlu menunggu kempen harga runtuh, masyarakat semakin ramai beralih membuat urus niaga memerlukan jual beli di hujung jan secara dalam talian.

Q-munity Store Biz dapat dijadikan sebagai saluran penting ke arah menyediakan data-data dan profil usahawan tempatan khususnya di kawasan N.7 Samariang dan menjadi landasan utama bagi tujuan promosi produk dan perkhidmatan secara virtual.

Profil ini amat penting untuk membolehkan pengguna membuat tempahan mengikut produk dan perkhidmatan yang disediakan dengan berhubung terus dengan usahawan terbabit. Dalam masa yang sama, juga menyediakan peluang pendapatan sampingan kepada generasi muda dengan perkhidmatan penghantaran dikenali MySamariang Rider.

Portal ini diusahakan secara kerjasama semua Jawatankuasa Kejiranam Mesra (KJM) DUN N.7 Samariang yang yang mempunyai dua belas (12) buah KJM iaitu Kampung Lintang, Kampung Malaysia Jaya, Kampung Tunku, Taman Sourabaya Indah, Kampung Sungai Bedil Besar, Kampung Samariang Pinggir, Kampung Sungai Midin, Kampung Samariang Jaya Fasa II, Kampung Samariang Batu, Kampung Samariang Jaya Baru Fasa III, Taman Sukma dan Kampung Siol Kandis.



LENSA

Setiap KJM akan bertanggungjawab menyediakan profil produk dan perkhidmatan di kawasan masing-masing untuk dimuat turun dalam portal berkenaan. Majlis Pelancaran Q-MUNITI STORE BIZ telah dilancarkan oleh Yang Berhormat Datuk Hajah Sharifah Hasidah Sayeed Aman Ghazali, ADUN N7 Samariang pada 2 Ogos 2020 di Auditorium Bukit Siol.

PROGRAM 3R BUYBACK & PENJUALAN KOMPOS

LENSA

Program 3R Buyback dan Penjualan Kompos telah dianjurkan bermula pada bulan Julai sehingga Disember 2020. Objektif utama pengajuran program ini adalah untuk meningkatkan kesedaran masyarakat tentang kepentingan amalan kitar semula.

Sepanjang pengajuran program ini diadakan, sebanyak 6,514.47kg bahan kitar semula yang telah berjaya dikumpul manakala pemutup bagi program ini bagi tahun 2020 pula telah diadakan di Ibu Pejabat DBKU dengan pengumpulan sebanyak 3000kg bahan kitar semula dari setiap Bahagian di DBKU.

Semoga dengan adanya pengajuran program seperti ini akan dapat memupuk kesedaran masyarakat tentang pentingnya amalan kitar semula dalam kehidupan searian, mengelakkan daripada pembuangan sampah haram, meningkatkan jangka hayat tempat pembuangan sampah dan meningkatkan kadar kitar semula.

Lokasi program sepanjang 2020

7

- 11 Julai Dewan Kampung Tunku
- 18 Julai Unaco Jalan Nanas
- 25 Julai Taman Fitrah

8

- 8 Ogos Taman Westwood
- 15 Ogos Kuching Family Park
- 22 Ogos Taman Samariang Aman
- 29 Ogos Masjid Al-Hakim Muda Hashim



9

- 5 Sept. Kampung Senari
- 5 Sept. Sun Valley
- 19 Sept. Kuching Waterfront
- 27 Sept. Taman Mawar

10

- 17 Okt. Taman Sukma
- 24 Okt. Taman Hussein
- 24 Okt. Westwood Garden





LENSA



BANDARAYAKU BERSELAWAT ONLINE SEMPENA SAMBUTAN HARI BANDARAYA KUCHING KE-32

Program BandarayaKU Berselawat ONLINE sempena Sambutan Hari Bandaraya Kuching Ke-32 telah berlangsung pada 7 Ogos 2020, jam 3:00 petang bertempat di Auditorium DBKU, Ibu Pejabat DBKU bertujuan bagi memupuk minat masyarakat setempat dalam menghadiri program-program agama serta mampu meningkatkan penglibatan golongan muda dalam penganjuran aktiviti bersifat ilmiah dan kerohanian.

Program ini diadakan secara atas talian dan bersiaran langsung di Laman Sosial Facebook dan YouTube DBKU.



Tetamu kehormat ke program tersebut ialah Yang Berhormat Datuk Dr. Haji Abdul Rahman Haji Junaidi, Menteri Muda di Jabatan Ketua Menteri (Hal Ehwal Islam & DBKU) dan Menteri Muda Utiliti Sarawak (Bekalan Air).

Seramai 150 orang yang terdiri daripada 100 orang warga kerja DBKU dan 50 orang komuniti Kejuranan Mesra (KJM) DBKU.

Selain itu, terdapat juga Persembahan Qasidah oleh Kumpulan Muhibbin dan diketuai oleh Ustaz Kyrel Anwar dan Ceramah Agama oleh Al Fadhil Ustaz Hasan El-Huraidhy.

Semoga dengan adanya program seperti ini, ia akan memberi impak kepada masyarakat setempat khususnya golongan belia serta bakal menarik minat ribuan penonton untuk mendengar ceramah agama.

KUCHING CITY DAY VIRTUAL RIDE & VIRTUAL RUN 2020

LENSA

Dewan Bandaraya Kuching Utara julung kali menganjurkan Kuching City Day Virtual Ride dan Virtual Run 2020 secara ‘virtual’ di mana peserta boleh melakukan kayuhan dan larian di mana sahaja dan pengiraan menggunakan aplikasi seperti Garmin/Samsung Health dan aplikasi yang berkaitan. Kedua-dua program ini telah berlangsung pada 1 hingga 30 September 2020.

Kuching City Day Virtual Ride melibatkan kayuhan sejauh 200 KM manakala Virtual Run melibatkan larian sejauh 21 KM di sekitar bandaraya Kuching.

Seramai 42 orang peserta yang telah menyertai Virtual Ride manakala 40 orang peserta menyertai Virtual Run.

Semua peserta yang berjaya melengkapkan larian dan kayuhan telah mendapat Medal dan Baju-T.



LET's GO HEALTHY

Let's Go Healthy merupakan satu program pendidikan kesihatan yang dianjurkan secara bersiri. Konsep program ini dilaksanakan adalah secara siaran langsung di Facebook DBKU City Library dengan capaian sebanyak lebih daripada 3000 orang viewers.

Ceramah tersebut telah membincangkan beberapa topik semasa berkaitan kesihatan yang telah disampaikan oleh 3 orang doktor yang terdiri daripada Dr. Zaitul Akmal Abdullah Zawawi (Novel Coronavirus & Penyakit Kencing Manis), Dr. Mohd. Faiz Bin Sahiran (Gaya Hidup Sihat) dan Dr. Maziah Binti Ishak (Menangani Stress Semasa Covid-19).

Program pendidikan ini adalah program yang berterusan dan akan disambung pada tahun 2021 dengan empat siri baharu yang akan dimaklumkan kemudian dari semasa ke semasa.



Penyampaian cenderamata kepada salah seorang penceramah program Let's Go Healthy, Dr. Zaitul Akmal Abdullah Zawawi daripada Cik Sharifah Seria, Bahagian Pembangunan Sumber Maklumat DBKU.

Objektif Program

01

Memberi kesedaran kepada masyarakat tentang pentingnya menjaga kesihatan diri dan mengamalkan gaya hidup sihat.

02

Meningkatkan pengetahuan dan informasi mengenai kesihatan dengan menerapkannya kepada komuniti.

03

Meningkatkan kerjasama dan kolaborasi antara DBKU dengan Pejabat Kesihatan Bahagian Kuching Sarawak.



Program telah diadakan secara siaran langsung di Facebook DBKU City Library itu mencatatkan capaian sebanyak lebih daripada 3000 orang viewers.



WORLD CLEAN UP DAY 2020

Dewan Bandaraya Kuching Utara (DBKU) menyokong sepenuhnya penganjuran World Clean Up Day 2020 yang diadakan setiap Sabtu, minggu ketiga pada 19 September 2020 yang lalu yang diadakan serentak di seluruh dunia.

Dewan Bandaraya Kuching Utara (DBKU) Penganjuran program ini merupakan anjuran bersama DBKU dan Junior Chamber International (JCI) dengan kerjasama beberapa agensi kerajaan dan swasta seperti Trienekens (Sarawak) Sdn Bhd, London Stock Exchange Group (LSEG), Jabatan Bomba dan Penyelamat Malaysia Negeri Sarawak, Polis DiRaja Malaysia (PDRM) Negeri Sarawak, Lembaga Sungai-Sungai Sarawak, Hotel Riverside Majestic, Hotel Grand Margherita, Hotel Hilton dan Mommy's Kitchen.

Seramai 150 orang peserta menyertai gotong-royong di sekitar Kuching Waterfront yang dibahagikan kepada tiga zon iaitu Zon Hitam (dari Jambatan Darul Hana ke Godown Amphitheatre), Zon Merah Jambu (dari Godown Amphitheatre ke Muzium Cina) dan Zon Biru (sekitar belakang Hotel Margherita).

Semoga dengan adanya program seumpama ini akan dapat menyuntik semangat cintakan alam sekitar sekaligus dapat menyatukan komuniti agar terus utuh bersatu dalam mewujudkan bandaraya Kuching yang dinamik, cantik, bersih dan selamat.

Selain gotong-royong, terdapat juga beberapa aktiviti sampingan yang lain seperti senamrobiik dan cabutan bertuah. Program setengah hari itu telah dihadiri oleh Yang Berbahagia Datu Hajji Junaidi Haji Reduan, Datuk Bandar Kuching Utara.




PERTANDINGAN BERBERITA PIALA PUSINGAN DATUK BANDAR 2020 & PERTANDINGAN VIDEO PENDEK PERPUSTAKAAN BANDARAYA



DBKU telah menganjurkan Pertandingan Berberita Piala Pusingan Datuk Bandar 2020 dan Pertandingan Video Pendek bertemakan Perpustakaan Bandaraya.

Pada tahun 2020, terdapat 19 peserta yang telah menyertai pertandingan berberita dan 8 orang peserta telah menyertai pertandingan video pendek secara atas talian di mana peserta telah menghantar penyertaan dengan mengirimkan video rakaman kepada pihak pengajur.

Majlis Penyampaian Hadiah telah diadakan pada 28 Oktober 2020 yang disempurnakan oleh Yang Berbahagia Datu Haji Junaidi Haji Reduan, Datuk Bandar Kuching Utara.



KURSUS e-USAHAWAN KOMUNITI

LENSA

Bidang Keusahawanan semakin penting kebelakangan ini dan menjadi pemangkin kepada perubahan dan perkembangan ekonomi. Dalam hal ini, untuk menjadi usahawan yang berjaya bukanlah sesuatu yang mudah namun memerlukan ilmu yang mendalam dalam dunia keusahawanan.

Oleh itu, Dewan Bandaraya Kuching Utara (DBKU) sangat positif untuk membantu usahawan komuniti dengan menganjurkan Kursus e-Usahawan Komuniti 2020 pada 17 Oktober dan 18 Oktober 2020 yang lalu dengan dihadiri seramai 30 orang peserta.

Objektif penganjuran kursus tersebut adalah untuk mengenal pasti bakat dan potensi peserta untuk menjadi usahawan berjaya, memberi peluang kepada peserta mengemukakan rancangan tindakan untuk memulakan perniagaan, menerapkan etika perniagaan yang progresif dan memberi pengetahuan pengurusan moden agar dapat bersaing di pasaran terbuka.



Semoga dengan adanya penganjuran kursus seumpama ini akan dapat melahirkan lebih ramai usahawan komuniti yang berjaya dan berdaya saing, bukan sahaja di peringkat negeri mahupun negara, namun juga di peringkat antarabangsa.

Majlis Penutupan Kursus e-Usahawan Komuniti pada 18 Oktober 2020 telah disempurnakan oleh Yang Berbahagia Datu Haji Junaidi Haji Reduan, Datuk Bandar Kuching Utara.





Kuching Got Talent merupakan salah satu program berbentuk 'talent show' yang bertujuan untuk mencungkil dan mengasah bakat semula jadi peserta tanpa mengira jantina mahu pun umur dan dibuka kepada semua peringkat umur.

Tahun 2020 merupakan kali ke-3 penganjuran Kuching Got Talent oleh DBKU dengan kerjasama Jabatan Kebudayaan dan Kesenian Negara Negeri Sarawak dan Sarawak Cultural Village dan telah mendapat sambutan yang memberansangkan daripada warga kota.



Pertandingan ini yang bermula pada 14 Oktober hingga 11 November 2020 telah menarik minat seramai 27 orang peserta dengan menghantar klip video persembahan mereka secara 'online' kepada pihak DBKU.

Antara kategori yang dipertandingkan ialah Tarian, Silap Mata dan Nyanyian secara solo dan berkumpulan. Tahniah diucapkan kepada semua pemenang!



BENGKEL PENSTRUKTURAN SEMULA PROSES PERLETAKAN HAK KUASA TANAH KEPADА PIHAK BERKUASA TEMPATAN

LENSA



Bengkel Penstruktur Semula Proses Perletakan Hak Kuasa Tanah telah dianjurkan oleh Bahagian Geoinformasi dan Pengurusan Hartanah DBKU pada 21 hingga 22 Oktober 2020 dengan kerjasama Jabatan Tanah Dan Survei (JTS) dan dirasmikan oleh Yang Berhormat Datuk Dr. Haji Abdul Rahman Bin Haji Junaidi, Menteri Muda (Hal Ehwal Islam Dan DBKU) Merangkap Menteri Muda Utiliti (Bekalan Air) Sarawak.

Tiga taklimat telah disampaikan pada bengkel tersebut iaitu berkenaan Perancangan dan Pembangunan oleh En. James Wong, Pegawai Perancang Kanan, Jabatan Tanah Dan Survei; Pengurusan Tanah oleh En. Ngu Tai Kong, Pegawai Tanah Kanan, Jabatan Tanah Dan Survei dan Pembangunan dan Penyelenggaraan Kawasan-kawasan Awam oleh Tuan Haji Abu Bakar Bin Haji Sepawi, Arkitek, Kementerian Kerajaan Tempatan Dan Perumahan Sarawak (MLGH).



2 OBJEKTIF BENGKEL

- Menambahbaik proses kerja untuk mempercepatkan proses perletakan hak kuasa tanah
- Mengenalpasti bidang kuasa dan tanggungjawab agensi yang terlibat dalam perancangan, pembangunan, pengurusan dan penyelenggaraan tanah-tanah kerajaan/ kawasan awam.

Seramai 34 orang peserta telah mengikuti bengkel ini daripada beberapa agensi kerajaan seperti Jabatan Tanah Dan Survei (JTS), Kementerian Pembangunan Bandar Dan Sumber Asli (MUDNR), Kementerian Kerajaan Tempatan Dan Perumahan Sarawak (MLGH), Jabatan Peguan Besar Negeri Sarawak(SAG), Sarawak Housing And Real Estate Developers Association (SHEDA) selaku wakil pemaju yang merupakan key players dalam Wacana Pembangunan Negeri Sarawak, Majlis Bandaraya Kuching Selatan (MBKS), Majlis Perbandaran Padawan (MPP), Majlis Perbandaran Kota Samarahan (MPKS) dan Majlis Daerah Serian (MDS)



MAJLIS MAKAN MALAM KEJIRANAN MESRA DBKU

Pada 18 Disember 2020, Majlis Makan Malam Kejiranan Mesra DBKU telah diadakan dan dihadiri oleh Yang Amat Berhormat Ketua Menteri Sarawak di Dewan Santapan, Dewan Undangan Negeri Sarawak.

Majlis ini diadakan adalah sebagai menghargai dan memberi pengiktirafan terhadap kejayaan yang dikecapi oleh KJM DBKU.

Sehingga ke hari ini, pencapaian KJM DBKU amat membanggakan kerana ia merupakan salah satu bukti inklusiviti komuniti dalam pembangunan bandaraya. Dengan adanya KJM DBKU yang bertindak sebagai tulang belakang komuniti, pelbagai program, intervensi, inisiatif dan aktiviti bertujuan bagi membangunkan komuniti berkenaan dari segi aspek fizikal, sosio dan ekonomi dapat dilaksanakan dengan lancar.

8 KATEGORI ANUGERAH KJM 2020

- Kategori Keindahan - KJM Kampung Salak
- Kategori Kebersihan - KJM Kampung Senari
- Kategori Keselamatan - KJM Kawasan Sungai Maong
- Kategori Paling Aktif - KJM Kampung Tunku
- Kategori Gaya Hidup Sihat - KJM Taman Sukma
- Kategori Mesra Kolaborasi - KJM Kampung Tupong
- Kategori Usahawan - KJM Kampung Sungai Midin
- Kategori Teknologi Digital - Kampung Sungai Bedil Besar



PROGRAM PENGHIJAUAN MALAYSIA KEMPEN PENANAMAN 100 JUTA POKOK

Program Penghijauan Malaysia melalui Kempen Penanaman 100 Juta pokok bermula 2021-2025. Ianya bertujuan untuk meningkatkan kesedaran semua pihak mengenai pentingnya kawasan liputan hijau dan hutan untuk kesejahteraan dan kualiti hidup selain usaha untuk menaikbaik ekosistem dan biodiversiti negara. Selain itu, kempen ini juga bertujuan memupuk semangat cintakan alam semula jadi melalui penanaman pelbagai jenis pokok kepada segenap lapisan masyarakat serta menyokong komitmen untuk mengekalkan litupan kawasan berhutan dan menangani fenomena perubahan iklim di peringkat global.

Oleh yang demikian, Dewan Bandaraya Kuching Utara dan Jabatan Hutan Sarawak telah menjalinkan kerjasama menganjurkan Program Perasmian Penghijauan Malaysia Kempen Penanaman 100 Juta Pokok pada 23 Disember 2020 bertempat di Trek Basikal Bukit Siol, Jalan Samariang Petrajaya Kuching. Program setengah hari ini telah dihadiri oleh Yang Amat Berhormat Ketua Menteri Sarawak.

Lebih kurang 200 orang peserta telah menghadiri program perasmian ini dengan 10 pokok belian telah ditanam pada hari tersebut manakala 40 pokok belian lagi akan ditanam dari semasa ke semasa oleh pihak Jabatan Hutan Sarawak.

LENSA





ANUGERAH PERKHIDMATAN CEMERLANG DBKU 2019

Anugerah Perkhidmatan Cemerlang Tahun (APC) 2019 telah berlangsung dengan jayanya pada 18 Disember 2020 bertempat di Boulevard Grand Ballroom, Hotel Imperial Kuching anjuran Bahagian Pengurusan Sumber Manusia DBKU.

Objektif penganjuran majlis ini adalah sebagai pengiktirafan kepada pegawai yang telah memberi perkhidmatan yang cemerlang sepanjang tahun 2019. Seramai 74 orang pegawai DBKU telah menerima Anugerah Perkhidmatan Cemerlang Tahun 2019.

Semoga dengan adanya pengiktirafan seperti ini akan dapat memberi dorongan kepada penerima APC untuk kekal memberi perkhidmatan yang terbaik selain memberi dorongan kepada pegawai-pegawai yang lain untuk meningkatkan prestasi kerja agar lebih cemerlang dari tahun-tahun sebelumnya.

STAR RATING DBKU

Sekalung penghargaan dan Tahmiah kepada pihak Pengurusan dan semua warga kerja DBKU di atas sokongan serta kerjasama semua pegawai dan staf di atas kejayaan mendapat pengiktirafan 5 BINTANG Sistem Penarafan Bintang Pihak Berkuasa Tempatan (SPB-PBT) 2019 dengan jumlah markah 91.72%.

Semoga dengan kejayaan ini, DBKU akan terus mengkalkan prestasi cemerlang dalam penyampaian perkhidmatan kepada masyarakat setempat.





WHAT'S UP?

SEJARAH MUZIUM KUCING

Pihak Dewan Bandaraya Kuching Utara telah diamanahkan untuk menguruskan Muzium Kucing oleh Kerajaan Negeri Sarawak sejak ia dirasmikan oleh Mantan TYT Yang Di Pertua Negeri Sarawak, Tun Datuk Patinggi Ahmad Zaidi Adruce bin Mohammad Noor pada 6 November 1993 yang bertempat Bangunan Dewan Bandaraya Kuching Utara, Bukit Siol, Jalan Semariang, 93050 Petra Jaya, Kuching.

Kebanyakkan dari koleksi yang terdapat di Muzium Kucing merupakan koleksi peribadi Dato' Shahrum bin Yub, Bekas Ketua Pengarah, Jabatan Muzium Negara, Kuala Lumpur yang pernah dipamerkan dalam Pameran "Kehebatan Kucing" di Galeri Muzium Negara, Kuala Lumpur yang dibuka rasmi oleh YAB Pehin Sri Haji Abdul Taib Mahmud, Mantan Ketua Menteri Sarawak pada 25 November 1987.

Harapan YAB Pehin Sri Haji Abdul Taib Mahmud, Mantan Ketua Menteri Sarawak untuk menubuhkan Muzium Kucing

adalah tercapai apabila kerajaan negeri Sarawak membeli kesemua koleksi peribadi Dato' Shahrum bin Yub, Bekas Ketua Pengarah, Jabatan Muzium Negara, Kuala Lumpur yang berharga RM 350,000/- yang melibatkan kira-kira 2,500 koleksi kucing (Patung/Artifak Kucing) yang diperbuat dari batu marmar, gelas, kristal, tembaga, seramik, porselin, memorabilia, lukisan lakaran, gambar dan lain-lain).

Pembelian koleksi kucing tersebut adalah bertepatan dengan bandar Kuching mendapat status bandaraya dalam tahun 1988. Koleksi tersebut telah dibawa ke bandaraya Kuching untuk penjagaan pihak Jabatan Muzium Sarawak sementara menunggu sebuah muzium kucing yang ditubuhkan khas untuk menempatkan koleksi tersebut. Koleksi tersebut telah dipamerkan di dalam galeri khas buat pertama kalinya pada 1 Ogos 1988 di Dewan Tun Abdul Razak yang telah dirasmikan YAB Pehin Sri Haji Abdul Taib Mahmud, Mantan Ketua Menteri Sarawak.

- SEJARAH MUZIUM KUCING
- MUZIUM KUCING DI BAWAH PENGURUSAN DBKU





WHAT'S
UP?

MUZIUM KUCING DI BAWAH PENGURUSAN DBKU

Kalau diimbas kembali dari perutusan dan amanat Yang Amat Berhormat Mantan Ketua Menteri Sarawak, YAB Pehin Sri Dr. Hj. Abdul Taib Mahmud semasa Majlis Perasmian Muzium Kucing DBKU dalam tahun 1993 ialah beliau berharap agar Muzium Kucing DBKU akan menjadi sebuah gedung khazanah mengenai haiwan kucing dengan mempunyai pengumpulan bahan-bahan pameran dari serata dunia.

Selain daripada itu, beliau percaya bahawa Muzium Kucing DBKU boleh menjadi sebagai pusat penemuan yang ulung bagi para ahli kajiselidik serta pencinta haiwan kucing dari serata dunia dengan adanya koleksi artifak dan bahan pameran yang lengkap serta "authoritative" di dalam pelbagai bidang mengenai haiwan kucing.

Tambahan pula, beliau juga bersetuju bahawa bahan-bahan pameran yang terdapat di Muzium Kucing DBKU boleh digunakan oleh cerdik pandai untuk membuat penyelidikan mengenai haiwan kucing.

Dari fakta-fakta yang dinyatakan di atas adalah jelas sekali bahawa Muzium Kucing DBKU diwujudkan dan ditubuhkan adalah untuk menjadi sebuah muzium dan bukannya sekadar menjadi sebuah galeri/pusat koleksi kucing sahaja.

Untuk mengukuhkan lagi kenyataan di atas, pihak DBKU berkeupayaan dan kemampuan untuk menubuhkan sebuah muzium berdasarkan kepada :-

Local Authorities Ordinance 1996 (Volume II), Part VIII – Bylaws, General Power To Make Bylaws :-

91 (e) *To provide for the establishment, regulation and management of any public park, walk, recreation and pleasure ground, garden, swimming pool, lake, stadium, library, art gallery, museum, theater, restaurant, hall, assembly room or aquarium under the control of the local authority by virtue of this Ordinance and any other written laws.*



- SEJARAH MUZIUM KUCING
- MUZIUM KUCING DI BAWAH PENGURUSAN DBKU

KUCING
KUCING



**WHAT'S
UP?**

GALERIA



KIOSK
BERGAMBAR KUCING



KIOSK JUALAN DE CAT SHOP





**WHAT'S
UP?**

GALERI B & C



PELPA INC.



KOLEKCJĘ



GUAKUCING





WHAT'S
UP?

GALERI D



GALERI KUCING HUTAN BORNEO DAN KUCING

CAT MUSEUM
EXHIBITION HALL

GALLERY D

GALLERY C

GALLERY B

GALLERY A

GALLERY A

GALLERY A

AUDITORIUM

GALERI KU

LEFT
ENTRANCE

LIFT

LIFT

LIFT

FRONT ENTRANCE

RIGHT
ENTRANCE

LOBBY

CAFETERIA

SURAU

KITCHEN



KOLEKSI KUCING DR.BETTY JAMIE CHUNG

WHAT'S
UP?



RadioKU sebagai radio online pertama PBT di Sarawak bertujuan untuk menyampaikan maklumat mengenai perkembangan aktiviti, program dan polisi DBKU kepada masyarakat dalam bentuk hiburan. Pada masa yang sama, RadioKU juga merupakan satu saluran komunikasi baharu DBKU untuk merapatkan lagi interaksi antara DBKU dengan wargakota.

Radio DBKU telah diberi nama RadioKU (Radio Kuching Utara), dengan tagline "Kuss Semengatt!!" telah mula bersiaran pada 1 Mac 2019 dari jam 8 pagi hingga 5 petang, setiap Isnin hingga Jumaat. Walau bagaimanapun, terdapat Slot Khas bersama Penyampai RadioKU iaitu Raj BPR, YusBen dan Sheemadean yang bersiaran dalam dua segmen iaitu Segmen "Hello Kuching!" setiap jam 9-10 pagi dan Segmen "Info BandarayaKU" setiap jam 3-4 petang.



Memfokuskan kepada Segmen "Info BandarayaKU" sebagai nadi utama dalam Program RadioKU, Sesi Temubual yang diadakan juga melibatkan temubual bersama pegawai dalaman DBKU, Agensi Kerajaan, Agensi Swasta dan NGO untuk menyampaikan maklumat mengenai program-program kemasyarakatan.

Kini, DBKU memantapkan lagi sistem komunikasi RadioKU dengan menggunakan sebuah aplikasi RadioKU. Aplikasi RadioKU ini boleh digunakan melalui peranti Android dan IOS. Antara ciri-ciri yang diselitkan dalam aplikasi tersebut ialah Kemaskini Program dan Aktiviti DBKU dan Kejiranian Mesra, Pengisian 1 Warga 1 Impian, Berita Semasa, Ruangan Ideadan Pendapat Awam. Aplikasi RadioKU akan dilancarkan dalam masa terdekat ini sempena Hari Integriti & Inovasi serta Kesihatan dan Keselamatan Pekerjaan DBKU.

RadioKU diharapkan dapat diteruskan dengan lebih banyak pengisian dan maklumat yang bermanfaat kepada warga kota serta dapat menjadi 'bench mark' kepada PBT lain memandangkan DBKU merupakan PBT pertama di Sarawak dan kedua di Malaysia yang menubuhkan radio atas talian selepas Majlis Bandaraya Ipoh. Semoga dengan adanya siaran radio atas talian ini akan dapat meningkatkan lagi perkongsian strategik yang dikenali sebagai 'DBKU CARES' di antara 3P (Public - kerajaan, Private - swasta dan People - rakyat).

ORCHID PARK

WHAT'S UP?

TAMAN ORKID DBKU

Taman Orkid DBKU terletak di Jalan Astana, Petra Jaya bersebelahan Astana Negeri dan Kompleks Dewan Undangan Negeri Sarawak (DUNS) yang baru. Taman ini mula dibina pada tahun 2007 di atas tanah berkeluasan 15.4 ekar dan telah dibuka kepada orang awam pada tahun 2009.

Taman Orkid DBKU yang asal terletak di Pengkalan Sapi dengan keluasan 6.8 ekar. Taman Orkid tersebut telah mula dibina pada 1994 dan siap sepenuhnya pada tahun 2000. Taman Orkid adalah merupakan satu ilham/brainchild YAB Ketua Menteri Sarawak ketika itu. Konsep utama pembinaan Taman Orkid di dalam bandar adalah kesinambungan kepada visi untuk mewujudkan zon hijau di dalam bandaraya Kuching sekaligus mewujudkan kesedaran orang awam terhadap kepentingan alam sekitar serta flora dan fauna.

Taman Orkid mempamerkan pelbagai koleksi orkid yang terdiri daripada orkid spesies dan hybrid. Pada tahun 2010, Taman Orkid mempunyai koleksi sebanyak 50,000 dan telah meningkat kepada 80,000 orkid pada 2014. Tarikan utama Taman Orkid adalah koleksi orkid borneo yang terkenal seperti Lady's Slipper (*Paphiopedilum stonei*) dan *Paphiopedilum lowii*, *Coelogyne dearei* dan Norma orchid (*Phalaenopsis bellina*) yang telah dinamakan sebagai orkid rasmi negeri Sarawak pada 28 Ogos 1983. Nama Norma orchid adalah sempena nama isteri Tuan Yang Dipertua Negeri Sarawak yang ke-4, Tun Abdul Rahman Yakub.

Taman Orkid beroperasi dan dibuka pada setiap Selasa hingga Ahad termasuk cuti umum bermula dari pukul 9:30 pagi hingga 6:00 petang. Taman Orkid ditutup pada setiap Isnin untuk membolehkan kerja-kerja penyelenggaraan seperti meracun dan merumput dijalankan. Tiada caj masuk dikenakan kepada pengunjung Taman Orkid. Pelbagai program telah diadakan sejak pembukaan Taman Orkid. Di antaranya ialah "Kuching International Orchid Show" yang telah diadakan pada tahun 2011, 2013, 2015 dan 2017. Program ini dianjurkan oleh DBKU setiap dua (2) tahun sekali.





BULETIN DBKU EDISI KEDUA 2020

TERBITAN

Unit Pengurusan Acara & Komunikasi Korporat,
Bahagian Perhubungan Awam, Dewan Bandaraya Kuching Utara



@BandarayaKU